

五經同卷

華積陀羅尼神呪經

師子奮迅菩薩所問經

佛說華聚陀羅尼呪經

六字呪王經

六字神呪王經

能十

華積陀羅尼神呪經

吳月支優婆塞支謙譯

如是我聞一時佛在阿耨達池龍王宮中與
大比丘五百人俱及菩薩摩訶薩具足一千
悉得一切陀羅尼餘一生在住十住地次當
作佛如王太子俱於十方皆成佛道具大莊
嚴不疑如來一切功德天龍八部一時俱會
爾時師子威菩薩從座而起右膝著地合掌
向佛而白佛言世尊若善男子善女人於如
來所而修供養功德多不佛告師子威勿作

是語若善男子善女人於如來所而修供養功德甚多何以故如來無量戒定慧解脫解脫知見之所成就若善男子善女人於如來所若存若亡而修供養師子威當知是人終必於三乘中隨其因緣而得解脫復次師子威若復有人見佛世尊心生歡喜尊重讚歎以諸供養施於如來又復有人於如來滅後若見舍利心生歡喜是二功德等無有異復次師子威若在家菩薩以諸珍寶積如須彌供養聲聞及辟支佛不如出家菩薩發菩提

心以一金錢供養如來復次師子威若復有人於千萬歲親近世尊備修供養若復有人如來滅後發菩提心以一香華入僧伽藍舉足下足作如是言南無世尊以此深解殷重信心供養如來舍利寶塔不求報不以疑惑未得解脫中間若千萬億劫不墮惡道師子威諦聽有陀羅尼名曰華積我今當說為諸天人多所饒益若善男子能於華積陀羅尼呪受持讀誦親近依行功德勝彼是人世世得一聞持不墮諸惡嶮棘道中離諸艱難

能十

二

常見妙寶常見諸佛諸根常具不生下賤卑
隸人家常得不離菩薩弘心常得種種無量
慧辯為無量十方諸佛如來之所知見乃說
呪曰

怛經他一杜羅禰二杜羅禰三陀羅尼四陀

羅尼五侔尼六波羅婆切娑禰七悉禰八

旃禰九那侔紙十切娑切禰切禰切魯

伽婆底二佛陀婆底三底麗上同四脛底柯羅

知脛迤切下五羅豎波伽知上同知上同杜婆

底七毗捨羅佛地八達摩婆徒九惡叉邪葛

俾二葛波毗伽知上同二阿媚多葛波休多

麥禰二十閻波底三十娑多切微邪沙摩喜知

上同二知上蜀伽羅婆底五十陟沙拏佛朕

持引地邪佛地同十六切

師子威當知若善男子能於此華積神呪若

讀若誦是人當於三月四月九月從八日至

十五日一心憶念如來相好夜中三誦華積

神呪日中亦三至月圓時當以華香燈燭於

形像前而修供養并誦華積陀羅尼呪其人

是夜夢見如來相好具足坐蓮華座為眾說

法亦得華積陀羅尼咒於現世中常得強記
智慧深信從今身乃至涅槃常一聞持一切
聞見一切經教一切學解一切技藝通達無
礙於一切三昧深得清淨解四聖諦無上法
輪說是經已師子威等天龍八部一切大衆
歡喜奉行

華積陀羅尼神呪經

師子奮迅菩薩所問經

失譯人名今附東晉錄

如是我聞一時佛在阿耨大池邊龍王宮中
與大比丘僧五百人俱大菩薩衆滿足千人
皆得陀羅尼住於十地應紹尊位一生當得
阿耨多羅三藐三菩提於諸法界通達無礙
以大莊嚴而自莊嚴於佛智德心無疑滯爾
時有一菩薩名師子奮迅來在會坐即從座
起整衣服偏袒右肩右膝著地合掌向佛白
佛言世尊若有衆生以敬信心供養佛者得